

# Alte ABC = Clique

1901 = 1923



## Schnitzelbank

Bleettanng

E Volkshus wird jeh z'Basel baut,  
Troß unserem Defizit;  
Me ka's so, wem-me d'Schulde staut  
Und lebt vo sym Kredit.  
's isch glych! Im Volkshus wird's is wohl!  
Zu was drum all dä Lärm?  
Der aint kriegt d'äne-n-Alkohol,  
Der ander blaut Därm.

Der Wälteli isch Kommissär  
Fir d'Sowjetrepublik!  
Doch 's Amtli fällt em nit so schwär,  
Es loßt en gund und dick.  
Däm gheert emol e-n-andri Kur,  
Die miedt im Unsinn Schluß  
Und huff em uff die rächtli Spur:  
E Liter Rizinus.

E-n-Unsinn us em Handelstall  
Bom „Nazi“-Blatt het gläng,  
D'Sparkasse-n-abe z'loh am Sail. —  
's isch alles uffgesprängt  
An Dalbegrabe Queue go stoh;  
Doch d'Angsch isch ummesunsch,  
's het jede 's Gärtschli iberkoh,  
Troß allem Zytigsdunsch!

E Turnverain, dä will an's Fescht,  
Will uff Sankt Galle goh  
Und findet, 's syg vorhär no's Bescht,  
Sich Hose mache z'loh.  
Sie hänn die Hose z'Lörach gholt,  
Sin iber d'Grenze gwitscht;  
Doch het e Frind die Lüt verkohlt,  
Der Zoll het sie verwitscht.

D'Ohrsygetaktik isch jeh Trumpf  
In unfrem Große Rot;  
Isch aine nit grad guet im Strumpf,  
E Watsch hilft us der Rot.  
Zwai Bolschewiggi sin sich find,  
Ain macht der ander taub,  
Und baldi zwicke sich an Grind,  
Der Christe-n-und der Schaub.

Der Miescher und der Hugo, die  
Sin wiescht in d'Wulle koh:  
Me haif der Hugo „Bummi“ hie,  
Der Miescher sait's eso.  
Druff abe brielt der Hugo gly,  
Das gheer nit zuem bon ton,  
Sie syge mitenander gfi  
No nie frère et cochon.

Im Lohnhof obe sitzt e Ma,  
Wo nit 's guet Byspiel git,  
De triffsch en in de Kneipe-n-a  
Au noh de-n-ains, wenn d'witt;  
Denn d'Polizeistund isch em Wurscht,  
Vor Bueße-n-isch er gseit,  
Und lescht er noh so spot sy Durscht,  
Dä wird nit usekeit.

Der Frauespittel, sage sie,  
Dä syg scho wieder z'klai;  
's isch schrecklig, wie das Storgevieh  
Die Fraue byßt ins Bai.  
Me sott de Storge-n-als Protäsch  
Der Schnabel binde zue,  
Dernoh wär in dem Storgenäscht  
Au endlig wieder Rueh.

